

# Ishonch

Yurt taraqqiyoti yo'lda birlashaylik!

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqib boshlagan

Фарғона вилояти



Ташриф


## ҚИРҒИЗИСТОН КАСАБА УЮШМАЛАРИ ВАКИЛЛАРИ ФАРҒОНАДА

Шу йилнинг 4-5 май кунлари Қирғизистон касаба уюшмалари Федерациясининг Ўш ва Жалолобод вилоятлари кенгашлари вакиллари Фарғона вилоятида бўлди.



Ташриф доирасида Ўзбекистон касаба уюшмалари Федерациясининг Фарғона вилояти кенгаши ҳамда Қирғизистон касаба уюшмалари Федерациясининг Ўш ва Жалолобод вилоятлари кенгашлари ўртасида ҳамкорлик тўғрисида келишув имзоланди. Делегация аъзолари вилоятдаги бир қатор меҳнат жамоаларида бўлиб, ўзаро тажриба алмашдилар. Меҳмонларнинг дастлабки манзили юртимиздаги энг йирик корхоналардан бири бўлган «Авто ойна» МЧЖ бўлди. Бу ерда меҳмонлар ишчи-ходимларга яратилган шароитлар, меҳнат муҳофазаси ва техника хавфсизлиги бўйича амалга оширилган ишлар билан танишдилар. — Икки мамлакат раҳбарларининг сиёсий иродаси туйғайли икки қардош халқ ўртасидаги дўстлик ришталари янада мустақамланмоқда, — деди Қирғизистон касаба уюшмалари Федерациясининг Ўш вилояти кенгаши раиси Тўлқин Тожиев. — Касаба уюшмалари ўртасидаги ҳамкорлик эса ҳамкасбларимиз билан ўзаро тажриба алмашишимизга асос бўлади. Фарғона вилоятидаги ҳамкасбларимиздан ўрганадиган жиҳатлар кўп экан. Бугун уларнинг тақдимотлари билан танишиб, касаба уюшмалари соҳасида Ўзбекистон олдинги ўринларда эканига амин бўлдим. Делегация аъзолари Ўзбекистон касаба уюшмалари тасарруфидаги «Чимён» сихатгоҳида ҳам бўлдилар. Сихатгоҳ фаолияти, ишчи-ходимлар ҳамда даволанувчилар учун яратилган шароитлар меҳмонларга манзур бўлди. — Ўзбекистон ва Қирғизистон касаба уюшмаларининг ўзаро ҳамкорлигини ғоят муҳим деб ҳисоблайман, — деди Қирғизистон касаба уюшмалари Федерациясининг Жалолобод вилояти кенгаши раиси Барно Исмоилова. — Чунки Ўзбекистон касаба уюшмаларининг тажрибаси катта. Давлатлараро дўстликнинг мустақамланиши касаба уюшмалараро ҳамкорлик учун ҳам кенг йўл очди. Бунинг натижасида биз худди бугунгидек тажриба алмашяпмиз. Бугун ўзимиз учун кўп нарсалар олдик. Ташриф якунида томонлар ўртасида ходимларнинг ижтимоий ва меҳнат ҳуқуқлари ҳамда қонуний манфаатларини ҳимоя қилиш соҳасида тажриба алмашиш бўйича келишув имзоланди.

Жамшид ЭРГАШЕВ «ISHONCH»



Тошкент шаҳри

Кўрик-танлов

## Ҳамширалар билими синалди

Ҳар йили 12 май Халқаро ҳамширалар куни сифатида нишонланади. Шу муносабат билан юртимизда «Йилнинг энг яхши ҳамшираси» республика кўрик-танлови анъанавий равишда ўтказиб келинади.



Ушбу тадбирнинг жорий йилги Тошкент шаҳар босқичи Абу Али ибн Сино номидаги 1-сонли шаҳар клиник шифонахонасида ташкиллаштирилди. Унда пойтахт туманлари миқёсидаги беллашуларда муваффақиятли қатнашган ҳамшираларнинг соҳага оид билимлари ҳамда ижтимоий-сиёсий саводхонлиги синондан ўтказилди. Танлов якунида ғолиблар ташкилотчилар томонидан махсус диплом ва қимматбаҳо совғалар билан тақдирландилар. Олмасор тумани марказий кўп тармоқли поликлиникасининг пульмонолог ҳамшираси Муштарийбону Карабаева эса беллашувнинг республика босқичида иштирок этиш имкониятини қўлга киритди.

Раъно МАҲҚАМОВА «ISHONCH»




Ўзбекистон Республикаси Президенти Шавкат Мирзиёев 5 май куни Тожикистон Республикаси Президенти Эмомали Раҳмон билан телефон орқали мулоқот қилди.



Ўзбекистон Республикаси Президенти Шавкат Мирзиёев қўшма Ҳукуматлараро комиссиянинг навбатдаги йиғилишида иштирок этиш учун мамлакатимизда бўлиб турган Қозғоғистон Республикаси Бош вазири Алижан Смайловни қабул қилди.



Ўзбекистон Республикаси Президенти Шавкат Мирзиёев қўшма Ҳукуматлараро комиссия ҳамраиси, Франция ташқи савдо, иқтисодий жозибадорлик ва хориждаги француз фуқароларининг ишлари бўйича вазир-делегати Оливье Бешт бошчилигидаги делегацияни қабул қилди.



Давлатимиз раҳбари «Республиканинг туризм салоҳиятини жадал ривожлантириш ҳамда маҳаллий ва хорижий туристлар сонини янада оширишга доир кўшимча чора-тадбирлар тўғрисида»ги қарорни имзолади.



Вазирлар Маҳкамасининг «Давлат олий таълим муассасалари, республикадаги хорижий ва нодавлат олий таълим ташкилотлари талабаларини моддий ҳамда ижтимоий қўллаб-қувватлаш тизимини такомиллаштириш чора-тадбирлари тўғрисида»ги қарори қабул қилинди.



Ҳиндистонда ташриф билан бўлиб турган Ўзбекистон ташқи ишлар вазири Бахтиёр Саидов Покистон ташқи ишлар вазири Билвал Ҳуто Зардорий билан учрашув ўтказди.

Андижон вилояти

Касаба уюшма аралашгач...

## ХОДИМНИНГ БУЗИЛГАН ҲУҚУҚИ ТИКЛАНДИ

Андижон олимпия ва паралимпия спорт турларига тайёрлаш марказининг тарих фани ўқитувчиси Дилором Солиева Ўзбекистон касаба уюшмалари Федерацияси Андижон вилояти кенгашига иш берувчи қўллаган интизомий жазодан норози бўлиб мурожаат қилган.

Вилоят кенгаши меҳнат ҳуқуқ инспектори томонидан ҳолат ўрганилди. Аниқланишича, марказ директори Д.Солиевага 2023 йил 25 мартда буйруқ билан ўртача ойлик иш ҳақининг 30 фоизи миқдорда интизомий жазо чораси қўлланини сабабли, унинг ойлик иш ҳақидан 1 миллион 484 минг 701 сўм ушланган. Бироқ интизомий жазо қўллаш учун асос бўлувчи содир этган ноҳўя хатти-ҳаракатлар тушунтириш хатида акс этмаган. Шунингдек, одоб-ахлоқ қоидаларига риоя этмагани ва меҳнат интизомини қўпол равишда бузиш ҳолатларини тасдиқловчи ҳужжатлар мавжуд эмаслиги, ходимлардан олинган билдирги ва тушунтириш хатларида меҳнат интизомини бузгани кўрсатилмагани сабабли муаллимага интизомий жазо чорасини қўллаш учун етарли асослар мавжуд эмас, деб топилди. Ўз навбатида, марказ раҳбарига ёзма кўрсатма киритилиб, интизомий жарима жазо қўллаш ҳақидаги буйруқ бекор қилинди. Ушлаб қўлинган маблағ ундирғиб берилишига эришилди.

Ҳабибилло УСМОНОВ, Ўзбекистон касаба уюшмалари Федерациясининг Андижон вилояти кенгаши меҳнат ҳуқуқ инспектори

Азиз газетхонлар!  
Сизга «Ishonch» газетаси ўз вақтида етиб бораётими? Бу борада муаммолар бўлса, телеграмдаги «Муштарий минбари» каналига – [t.me/ishonchmurojaat](https://t.me/ishonchmurojaat) манзили орқали мурожаат қилинг.  
Сизнинг ишончингиз – биз учун муҳим!





